

Skilablað – Húsnæðismál mennta- og menningarmálaráðuneytis

Almennt um skilagreinar

Í 16. grein laga nr. 84/2001 um skipan opinberra framkvæmda er ákvæði um gerð skilamats.

Í reglum Framkvæmdasýslu ríkisins (FSR) um fyrirkomulag skilamats segir: „Við minniháttar verk eða framkvæmdir sem hafa lítið samanburðar- eða upplýsingagildi er heimilt að einfalda umfjöllun í skilamati“. Þegar þessi háttur er hafður á er skýrslan nefnd „skilagrein“ eða „skilablað“ til afmörkunar frá skilamati. Aðeins í allra smæstu verkum eða þegar verkefni fá engan framgang er heimilt að gera skilablað.

Skilagrein og skilablað á ekki bara við framkvæmdir heldur líka ýmis verkefni sem Framkvæmdasýslan tekur að sér fyrir ráðuneyti og stofnanir sem felast í almennri ráðgjöf og þjónustu, eins og til dæmis við öflun leiguhúsnæðis (leiguverkefni).

Hér fer á eftir skilablað vegna verkefnisins Húsnæðismál mennta- og menningarmálaráðuneytis.

1 Upphaf verkefnis

Þann 9. júní 2015 óskuðu Þráinn Sigurðsson, sérfræðingur á skrifstofu stefnumótunar og fjárlagagerðar, og Jens Pétur Hjaltsted, rekstrarstjóri á skrifstofu yfirstjórnar mennta- og menningarmálaráðuneytis, eftir fundi með verkefnastjóra FSR, Róberti Jónssyni, þar sem ræddar voru hugmyndir um framtíðarskipan húsnæðismála ráðuneytisins.

2 Verklýsing

Verkefnið fólst í að skoða hugsanlegar breytingar og endurbætur á húsnæði mennta- og menningarmálaráðuneytisins að Sölvhólgötu 4 í Reykjavík. Eftir áður nefndan fund með starfsmönnum ráðuneytisins 9. júní 2015 var óskað eftir því að FSR ynni frumathugun, þarfagreiningu og húsrýmisáætlun fyrir mennta- og menningarmálaráðuneytið.

Bókhalds- og greiðsluþjónusta var hjá FSR frá og með desember 2015.

3 Verknúmer

Verkefnið fékk verknúmerið 633 0098 þann 11. júní 2015. Í desember sama ár var ákveðið að verkefnið færi í bókhaldsþjónustu hjá FSR og þá fékk verkefnið verknúmerið 602 0098.

4 Framvinda

Vönduð þarfagreining og húsrýmisáætlun var gefin út í mars 2016. Niðurstaða hennar er að húsnæðisþörf ráðuneytisins miðað við uppgefinn fjölda starfsmanna (75) sé um 1.850 m², sem gerir um 25 m² brúttó á hvern starfsmann, en í leiðbeiningum fjármála- og efnahagsráðuneytis er mælt til þess að brúttó fermetrar á starfsmann fari ekki yfir 18 m². Núverandi húsnæði mennta- og menningarmálaráðuneytis að Sölvhólgötu 4 er um 2.800 m².

Árið 2016 voru lögð fram lokadrög að frumathugun sem unnin var á grundvelli fyrrnefndrar þarfagreiningar. Í frumathuguninni voru nokkrir kostir skoðaðir varðandi framtíðarhúsnæðismál mennta- og menningarmálaráðuneytis. Frumathugunin hefur ekki verið gefin formlega út og ekki hefur verið óskað eftir áframhaldandi vinnu FSR við verkefnið síðan.

Í 2. mgr. 3. greinar í reglum um fyrirkomulag skilamats kemur fram að hafi framkvæmd legið niðri í eitt ár eða lengur vegna þess að fé hafi ekki verið veitt til hennar á fjárlögum eða vegna annarra orsaka skuli gera sérstakt skilamat um þann hluta sem lokið er.

Verkefninu er því lokað með þessu skilablaði.

Að verkefninu komu, auk Róberts Jónssonar, Gíslína Guðmundsdóttir og Pétur Bolli Jóhannesson, verkefnastjórar hjá FSR.

5 Kostnaður verksins

Kostnaður FSR við verkefnið var 1.271.899 kr.

6 Niðurstaða verkefnis

Nokkrir raunhæfir möguleikar voru skoðaðir í frumathugunardrögum til lausnar á húsnæðismálum mennta- og menningarmálaráðuneytisins, en ljóst er að núverandi húsnæði er bæði allt of stórt fyrir ráðuneytið og þarfnast endurbóta.

7 Ákvörðun verkkaupa

EKKI hefur verið tekin ákvörðun um næstu skref en um þessar mundir er yfirstandandi heildarskoðun á húsnæðismálum alls Stjórnarráðsins, þar með talið mennta- og menningarmálaráðuneytisins.

8 Verklok

EKKI hefur verið unnið við þetta verkefni frá því um mitt ár 2016.

9 Staðfesting skilablaðs

Undirritaðar staðfesta hér með framanritað skilablað fyrir hönd Framkvæmdasýslu ríkisins.



Guðrún Ingvarsdóttir, forstjóri



Gíslína Guðmundsdóttir verkefnastjóri